

كتيب

سافتر

S A F E R

للسياحة في أوروبا



www.safer4free.com

هذا الكُتيب مجاني تمامًا وهو مقدم من



«يعتبر عصارة التجارب والخبرات عن كيفية
السفر إلى أوروبا بأقل تكلفة وهو جزء من
كتاب سافر للسياحة في أوروبا»

إهداء فريق عمل





محتوى الكتيب:

- ١- ما هي دول الشنغن
- ٢- إزاي تستخرج تأشيرة شنغن
- ٣- حجز أرخص تذاكر طيران
- ٤- إزاي تحضر شنطتك بإحترافية
- ٥- إزاي تسكن ببلاش
- ٦- إزاي تتنقل في اي بلد بأقل تكلفة
- ٧- نصائح ما قبل السفر

١- ما هي دول الشنغن

شنغن هو نظام تأشيرات خاص ب ٢٤ دولة وهم :

(النمسا، بلجيكا، جمهورية التشيك، الدنمارك، أستونيا، فنلندا، فرنسا، ألمانيا، اليونان،
هنغاريا، أيسلندا، إيطاليا، لاتفيا، ليتوانيا، لوكسمبورغ، مالطة، هولندا، النرويج، بولندا،
البرتغال، سلوفاكيا، سلوفينيا، ليختنشتاين ، إسبانيا، السويد، سويسرا)

جميع مواطني الدول العربية

(البحرين، الجزائر، العراق، مصر، الاردن، لبنان، ليبيا، المغرب، فلسطين، السودان،
السعودية، الصومال، سوريا، تونس، اليمن وموريتانيا)

بحاجة إلى استخراج تأشيرة دخول (فيزا) إلى الدول الموقعة على اتفاقية شنغن.



٢- إزاي تستخرج تأشيرة شنغن

«البيع»

كل الناس بتخاف من موضوع الفيزا وبتحس أنها لازم تكون حد واصل وعنده وسايط وفلوس كتير علشان تعرف تطلعها مع ان انت لو فكرت هتلاقي ان كل الدول بتشجع على السياحة وبتقدم تسهيلات لكل شخص عايز يزورها، تعالى نعرف تعمل إيه علشان تاخد الفيزا بسهولة..

أولاً: السفارة لازم تتأكد إنك هترجع تاني

ودي بنعملها إزاي؟!

- ١- لو انت طالب لازم تجيب شهادة قيد من الكلية أو المعهد اللي انت فيه.
- ٢- لو انت أقل من ١٨ سنة لازم تجيب خطاب من ولي الأمر.
- ٣- لو انت بتشتغل لازم تجيب خطاب من الشغل. HR Letter
- ٤- لو انت صاحب عمل بتجيب السجل التجاري والبطاقة الضريبية.
- ٥ - كشف حساب بنكي وده لازم يكون عندك حساب بنكي عدي عليه ٣ شهور ويستحسن ٦ شهور أو أكثر، مش مهم يكون فى فلوس كتير على قد انه لازم يكون عندك عمليات (سحب وإيداع) كتير على الحساب يعني ممكن يكون حسابك فى ١٠٠,٠٠٠ جنيه ومنتقلش وممكن يكون حسابك فيه ١٥,٠٠٠ جنيه وتتقبل، الأهم ان يكون عندك عمليات سحب وإيداع كتيير، وممكن تقدم حساب والدك أو والدتك.

يجب أن تجهز الوثائق التالية عند التقديم:

- ١- جواز سفر رسمي يصلح للإستعمال لمدة ثلاثة أشهر بعد إنتهاء مدة السفر، ويحتوي على صفحتين فارغتين، صورة من جواز السفر السابق ان وجد.
- ٢- إستمارة التقديم لطلب الحصول على التأشيرة.
- ٣- إذا كان السفر لأول مرة إلى منطقة الشنغن يجب إحضار شهادة تحركات عن السبع سنوات الاخيرة ويتم إستخراجها من مجمع التحرير بالقاهرة.
- ٤- إذا كان المتقدم غير مصري يجب أن يقدم تصريح إقامة ويكون صالح حتي تاريخ إنتهاء الرحلة.
- ٥- صورتين شخصيتين مقاس ٦*٤ خلفية بيضاء.
- ٦- تأكيد حجز الفندق طول فترة الإقامة في دولة الزيارة، وتأكيد حجز تذاكر الطيران ذهاب وعودة.
- ٧- تأمين صحي بعدد أيام الزيارة «يوجد لدينا في **سافر** خدمات التأمين الصحي المعتمد لكل السفارات».

💡 "تُترجم جميع المستندات إلى لغة البلد التي تنوي زيارتها أو إلى اللغة الإنجليزية"

يوجد لدينا في الشركة ترجمة معتمدة بكل اللغات ولجميع السفارات والإستلام خلال ٢٤ ساعة

- ٨- خطاب من العمل.
- ٩- كشف حساب بنكي عن آخر ٦ شهور.
- ١٠- خطاب من المدرسة أو الجامعة إذا كان المتقدم طالباً، «شهادة قيد من شئون الطلبة».
- ١١- للأطفال غير البالغين: تصريح غياب صادر عن المعهد التعليمي أو المدرسة.
- ١٢- الرسوم هي نفسها بغض النظر عن مدة الإقامة أو عدد مرّات الدّخول وتدفع نقداً بما يعادلها من العملة المحلية وهي:
- ١- ٦٠ يورو للشخص البالغ.
- ٢- ٣٥ يورو للأطفال أعمارهم بين ٦ - ١٢ سنة.
- ٣- لا يوجد رسوم للأطفال تحت سنّ السادسة، أو للطلاب والمعلمين المرافقين في رحلة دراسية أو تدريب، أو باحثين من دول العالم الثالث القادمين بهدف البحث، أو مهنيين شباب تحت سنّ الخامسة والعشرين يعملون في مؤسّسات غير ربحية، ويسافرون لحضور مؤتمر أو حلقة دراسية أو أحداث ثقافية وتعليمية نظمت من قبل مؤسّسات غير ربحية.

تُترجم جميع المستندات إلى لغة البلد التي تنوي زيارتها أو إلى اللغة الإنجليزية"



يوجد لدينا في الشركة ترجمة معتمدة بكل اللغات ولجميع السفارات والإستلام خلال ٢٤ ساعة

٣- حجز أرخص تذاكر طيران



من أفضل المواقع اللى بتقدم أرخص تذاكر طيران لأوروبا هو موقع

www.easyjet.com

ازاي تحجز أرخص تذكرة طيران:

فى مواقع كتير تانية زي www.skyscanner.com برده بيقدم أرخص تذاكر طيران على مستوي العالم

أنا حجزت تذكرة من الغردقة ل جينيف فى سويسرا زهاب يوم الأربعاء ٢٣ ديسمبر ٢٠١٥ والعودة يوم الأربعاء ٦ يناير ٢٠١٦ بـ ٩٩ يورو حوالي ٨٥٠ جنيهه مصري رايح جاي أدخل شوف بنفسك

نصيحة كل ما حجزك بيكون بدري بيكون أرخص 

easyJet

Flights » 2 Flight options » 3 Hotels » 4 Car rental » 5 Checkout » 6 Confirmation

Choose your flight

SEARCH AGAIN

Choose type of fare

STANDARD FLEXI

AUTUMN 2016
Flights available up until 29 October 2016

FLEXI

- ✓ Up Front seats
- ✓ Hold Luggage
- + much more...

Compare fares

3 day view 3 week view Year view

Outbound journey

Hurghada to Geneva

Last booked 5 hours ago

Wed 10 Feb	Thu 11 Feb	Fri 12 Feb
LOWEST FARE €3799 Dep 12:45 Arr 16:50	No flight on this day	No flight on this day

Return journey

Geneva to Hurghada

Last booked 5 hours ago

Tue 01 Mar	Wed 02 Mar	Thu 03 Mar
No flight on this day	LOWEST FARE €1899 Dep 06:40 Arr 12:00	No flight on this day

Your Trip to Geneva

Continue >

Show in currency Euros

- Outbound Hurghada to Geneva
- Return Geneva to Hurghada

الحجز يتم بفيزا الدفع الإلكتروني وبيكون ليك شنطة واحد
بس تاخذها معاك في الطائرة

ولها مقاسات معينة زي ما هو واضح في الصورة دي



لو انت مقيم باحدي الدول العربية دي طريقة تقدر تحجز بيها تذكرة
رخيصة وبسعر أقل:

في شركة طيران داخلي اسمها "طيران ناس" بتطلع من وقت للتاني
رحلات رخيصة جدا للغردقة وشرم الشيخ، ممكن تحجز منها الاول
وبعدا تحجز حاجة مناسبة على www.easyjet.com

وفي شركة تانية برضو اسمها "طيران المصرية"، نفس القصة مالهاش
دعوة ب "مصر للطيران" دي شركة تانية بس عيب طيران المصرية ان
الطيارات وحشة ومش بتطلع من المدن الرئيسية أو المطارات الدولية،
بتطلع من مدن فرعية صغيرة عشان يشغلوا المطارات الداخلية.

٤- إزاي تحضر شنطتك بإحترافية



دة لينك فيه ١٢ سلايد بيعلمك ازاى
تحضر شنطتك بالترتيب

<http://goo.gl/zuGv2a>

ودة كمان فيديو بيعلمك ازاى تحضر
الشنطة بإحترافية

<https://goo.gl/N1rva5>

٥- إزاي تسكن بلاش

بص يا سيدي ده أطول وأكبر موضوع هنتكلم فيه لأنه بيعتبر هو كنز الرحلة
قوم إعمل نسكافيه وتعالى علشان تركز معايا..

ببلاش

الاختيار الأول: Couchsurfing

هتكلم فى موضوع يمكن يكون جديد علينا كعرب لكنه منتشر فى جميع أنحاء العالم الموضوع ده هيفيدك جدا بجانب السفر لو انت كمان مهتم بحضور المؤتمرات الدولية والمنح وتبادل العلم والمعرفة وكمان الترفيه



فى موقع إسمه: كاوتش سيرفينج
الرابط : <https://goo.gl/bLvAKG>

الموقع ده بيعمل إيه؟


تقدر تقول إنهم شوية شباب وبنات مجانين بيعشقوا السفر والترحال وتكوين الصداقات والتعرف على الثقافات من جميع أنحاء العالم! أيوة يعني عملوا إيه؟

انا مثلا عندي شقة فى القاهرة وعندي اوضة فاضية فيها، دخلت على الموقع واعمل حساب وأقول ان عندي اوضة فاضية و أي حد من أي مكان فى العالم ينزل مصر ممكن يقعد فيها بس بشرط يقولى قبلها بفترة كافية وبيكون فيه تفاصيل عنك من خلال حسابك على الموقع يعني زي اهتماماتك، دراستك، البلاد اللى زورتها، بتتكلم كام لغة، وممكن كمان تحط صور للمكان وهكذا، الفكرة دي انتشرت جدا والموقع ده وصل أن عليه دلوقتي أكثر من ٥,٦ مليون مكان إستضافة فى ١٢٠ ألف مدينة حول العالم .

هقولك على شوية نصايح لازم تعملها قبل ما تطلب إستضافة من أي حد:

- ١- اكتب كل البيانات المطلوبة منك في الحساب بطريقة إحترافية.
- ٢- نزل صور للمكان اللي هتستضيف فيه الناس.
- ٣- اكتب إنت هتقدم إيه للشخص اللي هينزل عندك وكذلك انت هتقدم إيه للشخص اللي انت عايز تنزل عنده (يعني مثلا ممكن تعلمه لغة أو كورس في مجالك أو هتكلمه عن ثقافة مجتمعك أو إنك شخص مرح وهتخليه مبسوط بوجودك عنده ... المهم تبين إيه أفضل حاجة إنك ممكن تقدمها للي هيستضيفك) خليك جنتل مان.
- ٤- حاول تخلي أصدقائك يعملوك مرجع أو توصية إنهم نزلوا عندك وإنك شخص لطيف ومحترم وانهم استمتعوا جدا وهما عندك. كده كده هما أصلا متلقحين عندك أكل وشرب ونوم ببلاش خليه مرة يعملوا حاجه تفيدك.
- ٥- حاول ان مدة الزيارة تكون سريعة يعني من ١ ل ٣ أيام أو ٥ أيام بالكثير (مش تكتب إنك عايز تقيم شهر عنده أكيد مش هيقبل طلبك).

ARF Gungorur offered to host you



- ٦- مش معنى انهم اجانب واوبن مايند بيبقى تدخل تبعت استضافة عند بنات بس .. متحاولش كان غيرك أشطر.
- ٧- فيه بنات بتقبل بس مش كتير وهتتعب عشان تلاقي بنت تستضيفك عندها ف بلاش السكة دي، والبنسبة للبنات اللي هيطلبوا ينزلوا عند حد أكيد الموضوع مختلف.
- ٨- حاول تخلي حسابك موثق .. كلها ١٥٠ جنيه في السنة ده بيضمن إنك شخص جاد ومش داخل تستعبط.
- ٩- قبل ما تبعت إستضافة لأي حد أدخل شوف حسابه كويس جدا واعرف هو مين ومهتم بإيه وبيتكلم لغات إيه وإنه مناسب إنك تنزل عنده أو لأ، وكمان استخدم تفاصيل من حسابه لما تبعته رساله "يعني لو هو كاتب إنه نزل مصر وانبسط فيها، اكتبه سعيد انك نزلت مصر وانبسطت وأكيد هتنزل تانى وممكن نتقابل وهكذا.
- النقطة دي مهمة جدا بتبين إنك مش بتبعك لأي حد وخلص وكمان تحسسه إنه حد مميز.

فى آخر مرة كنت فيها فى تركيا كتبت على الموقع انى هكون فى مدينة أسمها طرابزون ولقيت واحد باعتلي انه ممكن يستضيفني عنده

الإختيار الثاني: الهُوسْتِيل Hostel



هو من أشهر الأماكن للإقامة في كل مناطق العالم وكمكان آمن للولاد والبنات حتى كمان فيه عائلات بتستخدمه، الهوستيل عبارة عن بيت عيلة كل غرفة فيها ٢ أو ٤ أو ٦ أو ٨ سراير على حسب نوع الغرفة وده بيعتمد على السعر، تعالوا نتكلم بالتفصيل عن الهوستيل

١- كيفية إختيار هوستيل مناسب:

من أفضل المواقع على مستوى العالم في إختيار الهوستيل هو Hostel World و Airbnb تقريبا مش هتستخدم غيرهم في الحجز

هنتكلم الأول عن Hostel World وبعدها Airbnb

<http://www.hostelworld.com>

٢- طريقة الحجز

الدخول على الموقع وكتابة أسم المدينة اللي عايز تحجز فيها، وتكتب تاريخ بداية ونهاية الحجز مثلا أنا كاتب من يوم ٢٦ - ٣١ ديسمبر ٢٠١٥ وعدد الأشخاص ١

MEET THE WORLD

✓ 30,000 properties, 180 countries ✓ Over 3.5 million guest reviews ✓ 21 million bookings

Madrid, Madrid, Spain

ARRIVING: 26 Dec 2015

DEPARTING: 31 Dec 2015

GUESTS: 1

Find Hostels

ملحوظة: كل ما تحجز بدري بيكون أرخص وكمان لو العدد كبير برده بيكون أرخص بكتير من شخص لوحد.



٣- فى الموقع يوجد إختيارات للسعر ونوع العملة والتقييم من الأشخاص اللي نزلوا الهوستيل قبل كده ونوع الغرفة، كل ده انت بتقدر تتحكم فيه على حسب راحتك وميزانيتك.

٤- وكمان تقدر تشوف صور المكان وتقييم الأشخاص اللي زارته قبل كده والعنوان وموقعه والخدمات اللي بيقدّمها.

٥- وكمان في مواصفات الغرفة اللي هتنزل فيها، وفي إختيارات كتير ممكن تختار سرير خاص في غرفة فيها سريرين بس، أو سرير في غرفة فيها ٤ سراير أو ٦ سراير أو ٨ سراير أو ١٠ سراير.

٦- اختار المناسب ليك وكم عدد الأشخاص اللي معاك وهيظهرلك إجمالى المبلغ - بتدفع مقدم ٢٠% والمبلغ ده بتدفعه بالفيزا أون لاين كعربون أو ضمان للإقامة - بتختار Standard Flexible Booking الخاصية دي بتمكنك إنك تغير ميعاد الحجز لو حصل عندك أي ظروف ومسافرتش إنما Non-flexible Booking لو مروحتش في الميعاد المحدد مش هتقدر تسترد أو تغير تاريخ الحجز.

٧- ادخل شوف آخر تقييم وشوف الناس بتقول إيه عن نضافة وأمن المكان وسلوكيات صاحبه وكمان المميزات اللي موجودة في الهوستيل «مهم جدا».

٨- هتكمل عملية الدفع وهتستلم إيمل فيه كل التفاصيل (الاسم - عنوان المكان - السعر - عدد أيام الإقامة).



ثالثا : Airbnb

الموقع ده بيقدم خدمة لطيفة جداً بتخليك تسكن ببلاش في أي مكان تنزل فيه، طيب إزاي يا عم انت!

الموقع ده بيقدملك خدمة انك لو عملت دعوة لأي حد بيرسل ليه مبلغ \$٢٠ وانت بتاخذ \$٢٠ تستخدمهم في الإقامة في أي مكان انت عايزه وممكن كمان يوصلوا ل \$١٠٠ بس بشروط.

ادخل اعمل حساب على الموقع وابعت لكل صحابك وكل واحد هيسجل ويحجز من الموقع هتاخذ \$٢٥ تقدر تحجز بيهم سكن لما تسافر، بعد فترة هيكون عندك رصيد ممكن ١٠٠٠ دولار ممكن تقعد بيهم شهر في فرنسا وشهر في أسبانيا أو تركيا دي أول \$٢٥ من سافر، أدخل سجل من هنا:

<http://bit.ly/1R28gZD>

وأحجز بيهم لما تسافر

وكمان شوف الشروط من هنا:

<http://bit.ly/1KUewSa>

طيب الموقع ده أصلا بيعمل إيه؟

ده من أكبر المواقع في حجز السكن في أغلب دول العالم وفي كل أنواع الإقامة (شقة - غرفة خاصة - غرفة مشتركة) للأفراد أو العائلات، كده خلصنا من موضوع الإقامة. طريقة الحجز فيه زي الحجز في Hostel World اللي اتكلمنا عنها فوق

كده خلصنا من موضوع الإقامة ويارب تنبسطوا

٦- ازاي تتنقل في اي بلد بأقل تكلفة



أولاً: طبعا زي ما احنا عارفين أبو بلاش بتاع الغلابة اللي زينا اللي رايعين يتسنكحوا

:Hitchhiken

وهو انك تقف على الطريق الصح للبلد اللي انت عايز تسافر ليها وتشاور لأي عربية وهتلاقي ناس تقف وتركبك معاها، هي مغامرة وبتأخذ وقت طويل علشان تلاقي حد يقفلك وممكن الليل يدخل عليك وانت ورزقك يا صديقي، وبالنسبة للبنات فهي مش هتكون آمنة جداً ولكنها مخاطرة وتجربة كبيرة ومن الناس المشهورين اللي بيسافروا

بالطريقة دي الرّحال الفرنسي: André Brugiroux ده أشهر Hitchhiker في العالم لّف ١٣٥ دولة لمسافة ٤٠٠ ألف كيلو متر في ١٨ سنة علشان ينشر رسالة الديانة البهائية!

مش محتاجين شرح أكثر من كده "اتشعبط" انتوا عارفين الباقي بس أهم حاجه تكون شخص مرح ومبتسم وبتعرف تتكلم إنجليزي مش أقل من متوسط.

ثانياً : الأتوبيس

وده بفلوس وهو من أرخص وسائل المواصلات في أوروبا ومريح كمان مش زي عندنا في مصر وسعره بيختلف من مدينة لمدينة بس هو مش رخيص وده موقع:

<https://goo.gl/pPfAKL>

شركة الأتوبيسات تقدر تدخل تشوف كل الأتوبيسات والأسعار والمواعيد اللي تناسبك علشان تعمل حساب كل حاجه من دلوقت.

وكمان الموقع ده كويس جدا في حجز أرخص أتوبيسات في أوروبا والمميز فيه إنه بيعت في أغلب شركات الأتوبيسات وبيجبلك أرخص تذكرة وأفضل خدمة :

<http://bit.ly/1S1pTzM>

ولابد أن تحجز تذكرة قبل الرحلة بفترة كافية ويتيح الدفع بأكثر من طريقة مثل بطاقات الإئتمان والبايبال وغيرها.

٧- نصائح ما قبل السفر

- ١- قبل الخروج من البيت راجع جوازاتك... و تأكد أن جميعها معاك في مكان آمن "أحمل صور لجوازات السفر"
- ٢- حدد موعد السفر وبعدين خالص حجوزات الطيران قبل ما الخطوط تزدهم.
- ٣- خلي معاك Debit card وانت مسافر، الـ Credit Card لما بتشتري بيه بيحسب عليك ٢٪ رسوم، الـ Debit مفيش أي رسوم وخلي معاك كاش طبعاً حتى وانت في أوروبا. والنصيحة دي هتفيدك مش بس في الهدايا والسوفينيرز، لكن هي نصيحة عامة هتنتفعك في اي مكان.
- ٤- اكتب رقم خدمة العملاء للفيزا الإلكترونية للتبليغ في حالة فقدان.
- ٥- التأكد من وجود جميع التذاكر قبل الخروج من المطار والتأكد بالاحتفاظ بتذاكر الرجوع في مكان آمن.
- ٦- احتفظ بأرقام السفارة و القنصلية لدولتك في الخارج.
- ٧- احتفظ بأرقام و عنوان الفندق المراد السكن فيه في كل دولة.
- ٨- خذ بعض النقود المحلية لاستخدامها في المطارات وفي الذهاب والعودة.
- ٩- عناوين فنادق أخرى بديلة في حالة الرغبة بالتغيير.
- ١٠- البرنامج اليومي للرحلة و الأماكن المقرر زيارتها و أيام التسوق و أيام النزهة علشان متضيعش وقت في التفكير وانت بره
- ١١- صور شخصية لك و أنت بزيك الرسمي لدولتك تقدم كهدية للمعارف هناك.
- ١٢- احتفظ ببعض الفئات الصغيرة من العملة و ذلك لاستخدامها في أماكن التسوق دون الاضطرار لإخراج جميع نقودك.
- ١٣- ضع معك بعض الأدوية الاسعافية لحالات الطوارئ (صداع - كحة - برد - سخونية ... إلخ)
- ١٦- خذ معاك كارت ميموري ٣٢ او ٦٤ جيجا علشان الصور ودايماً خلى الصورة بأعلى دقة.
- ١٧- نزل تطبيق بيحتفظ بالخرائط أوف لاین علشان لو مفيش انترنت تعرف انت فين وهتروح فين، التطبيق ده جميل بيحفظك البلد و ازاى تنتقل في الشوارع نزله من جوجل بلاي وحمل خرائط (أسبانيا وفرنسا وسويسرا) حوالي جيجا <https://goo.gl/z0dTBU>

١٨- وانت مسافر ممكن تلاقي واي فاي Wi-Fi مجاني بسهولة في المقاهي، مطاعم الوجبات السريعة (جميع فروع ماكدونالدز)، الحدائق العامة والمتاحف.
كمان الموقع ده بيوفرلك قائمة بأسماء أغلب الأماكن اللي فيها واي فاي مجاني استخدمه وانت مسافر هيساعدك جداً، الرابط:

<http://bit.ly/10vJgfd>

١٩- لو سنك اقل من ٢٦، اعمل كارت ISIC، كارت بيثبت انك طالب ومعترف بيه دوليا، وخلي معاك كل ما يمكن ان يثبت انك طالب، اغلب المزارات المهمة في اوربا بتدي خصومات هائلة جدا للطلاب والشباب الاقل من ٢٦، من هنا: <http://goo.gl/EU1Lj3>

٢٠- في كل بلد فيه ناس كتير بتحب تعرفك على بلدها، واغلب شركات السياحة الي بتعمل private tours بتعمل free tours عشان تسوّق لنفسها برده وتحاول تبيع، دور قبل ما تسافر على free tours اللي في المدينة اللي مسافرها، وممكن دايمًا تبدأ بشركة SANDEMAN من أشهر الشركات اللي بتعمل free tours في حوالي ١٨ مدينة اوروبية.
اللينك:

<http://www.neweuropetours.eu>



هذا الكتيب مجاني من شركة سافر ويعتبر عصاره التجارب والخبرات عن كيفية السفر إلى أوروبا بأقل تكلفة وهو جزء من كتاب سافر للسياحة في أوروبا

<http://goo.gl/VgMNWf>


لو فعلا الكتيب مهم وأفادك لو بمعلومة
واحدة ممكن تنشره وتساعد الناس إنها تسافر
وتستكشف العالم وتغيّر حياتها وكمان يسعدنا
جدًا جدًا نعرف تقيّمك



اكتب/ي تقيّمك على صفحتنا

تابعونا على:

<http://facebook.com/Safer4Free>
<http://Twitter.com/safer4free>
<http://www.Safer4free.com>



العنوان:

٨ عمارات أول مايو، ميدان
الساعة، مدينة نصر
الدور السادس، شقة ٦١٠
علامة مميزة: بجوار مطعم
آخر ساعة وخلف مخبوزات
عز.

مواعيد العمل: من السبت
للأربعاء من الساعة ١٠
صباحًا للساعة ١٠ مساءً
تليفون: ٠٢٢٢٧٤١١٧١

سَافِرٌ

SAFER



www.safer4free.com